

Ո Ր Ո Շ ՈՒ Մ Ն 128/6
/վարչական տույժ նշանակելու մասին/

«24» փետրվարի 2022թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետի ժ/պ Ղազար Ղազարյանս, քննելով Ռուբիկ Անուշավանի Մինասյանի (անձն. AT0289667, քաղաքացիությունը՝ ՀՀ, ծնված՝ 21.12.1974թ. հասցե՝ 3103, ք. Գյումրի, Կոշտոյան Փ. 142. բն.30.) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ՀՀ քաղաքացի Ռուբիկ Մինասյանի կողմից 02.01.2022թ. թիվ 05100033/020122/0000031 տարանցման հայտարարագրով ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնում ձևակերպվել է ապրանքներ՝ նոր հագուստ, նշանակման մաքսային մարմին է սահմանվել ՀՀ ՊԵԿ Արարատյան մաքսատուն վարչություն, վերջնաժամկետը՝ 06.01.2022թ., սակայն նշված ապրանքները և ուղեկցող փաստաթղթերը սահմանված ժամկետում չեն հասցվել նշանակման վայր:

ՀՀ ՊԵԿ Արևելյան մաքսատուն վարչության Բազրատաշենի մաքսային կետ-բաժնի գլխավոր մաքսային տեսուչ-իրավաբանի կողմից 21.01.2022 թվականին Ռուբիկ Մինասյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 195-րդ հոդվածի հատկանիշներով:

Նշանակվել է գործի քննություն 24.02.2022թ. ժամը 10:30-ին, որի վերաբերյալ վերջինս ծանուցվել է հայտարարագիրը լրացնելու ժամանակ իր կողմից հայտնած հասցեով, սակայն չի ներկայացել վարչական վարույթի քննարկմանը:

ԵԱՏՄ մաքսային օրենսգրքի 87-րդ հոդվածի 1-ին կետի համաձայն՝ Միության մաքսային սահմանը հատելուց հետո ապրանքները պետք է փոխադրողի կամ անձնական օգտագործման ապրանքներ տեղափոխող անձի կողմից հասցվեն ժամանման վայր կամ սույն Օրենսգրքի 10-րդ հոդվածի 3-րդ կետում նշված այլ վայրեր:

ԵԱՏՄ մաքսային օրենսգրքի 144-րդ հոդվածի 1-ին մասի համաձայն՝ ապրանքները «մաքսային տարանցում» մաքսային ընթացակարգով ձևակերպելիս ուղարկող մաքսային մարմինը սահմանում է այն ժամկետը, որի ընթացքում ապրանքները ուղարկող մաքսային

մարմնից պետք է հասցվեն նշանակման մաքսային մարմին (այսուհետ՝ մաքսային տարանցման ժամկետ):

Նույն հոդվածի 3-րդ մասի համաձայն՝ մաքսային տարանցման առավելագույն ժամկետը չի կարող գերազանցել 1 ամսում 2 հազար կիլոմետր հաշվարկով սահմանվող ժամկետը, կամ «մաքսային տարանցում» մաքսային ընթացակարգով ձևակերպվող ապրանքների փոխադրման առանձնահատկությունների հաշվառմամբ Հանձնաժողովի կողմից սահմանվող ժամկետը:

Օրենսգրքի 150-րդ հոդվածի 1-ին կետի 1-ին ենթակետով սահմանվում է՝ «Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից՝ բացառությամբ սույն հոդվածի 2-րդ կետում նշված դեպքի, պարտավոր է՝ ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայրը՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

Օրենսգրքի 151-րդ հոդվածի 1-ին մասի համաձայն՝ «մաքսային տարանցում» մաքսային ընթացակարգի գործողությունն ավարտվում է ուղարկվող մաքսային մարմնի կողմից սահմանված՝ ապրանքների առաքման վայր ապրանքները հասցնելուց հետո:

Նույն օրենսգրքի 154-րդ հոդվածի 1-ին մասի համաձայն՝ «Մաքսային տարանցում» մաքսային ընթացակարգով ձևակերպված բոլոր ապրանքները և դրանց առնչվող փաստաթղթերը ապրանքների առաքման վայր չհասցնելու դեպքում սույն Օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի մաքսային մարմինը, «մաքսային տարանցում» մաքսային ընթացակարգին համապատասխան, իրականացրել է ապրանքների բացթողումը:

Ապրանքների՝ «մաքսային տարանցում» մաքսային ընթացակարգին համապատասխան փոխադրման (տրանսպորտային փոխադրման) ժամանակ պարտականությունները չկատարելու այլ դեպքերում, այդ թվում՝ «մաքսային տարանցում» մաքսային ընթացակարգով ձևակերպված ապրանքների մի մասը տեղ չհասցնելու դեպքում սույն Օրենսգրքի 150-րդ

հողվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի տարածքում հայտնաբերվել է խախտումը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 195-րդ հոդվածի համաձայն՝ Հայաստանի Հանրապետության մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները և ուղեկցող փաստաթղթերը սահմանված ժամկետում չհասցնելը՝ առաջացնում է տուգանքի նշանակում՝ 100,000 դրամի չափով:

ՀՀ մաքսային օրենսգրքի 219 հոդվածի 2-րդ մասի ուժով սույն վարչական գործը քննվել է վերջինիս բացակայությամբ (Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս): Ըստ ՀՀ ՊԵԿ Ներքին անվտանգության վարչության կողմից տրված սահմանահատման պատմության վերջինս գտնվում էր ՀՀ տարածքից դուրս:

Նույն հոդվածի 3-րդ մասի համաձայն 2-րդ կետում նշված դեպքում մաքսային մարմնի պաշտոնատարն անձն անհրաժեշտ բոլոր գործողությունները կատարում և գործը քննում է օրենսդրությամբ սահմանված կարգով:

Այսպիսով, վարույթի նյութերով հիմնավորվում է, որ Ռուբիկ Մինասյանի անվամբ թիվ 05100033/020122/0000031 տարանցման հայտարարագրով ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնում ձևակերպված ապրանքները և ուղեկցող փաստաթղթերը Ռուբիկ Մինասյանի կողմից սահմանված ժամկետում չեն հասցվել նշանակման վայր, ինչով պայմանավորված վերջինս թույլ է տվել ՀՀ մաքսային օրենսգրքի 195-րդ հոդվածով նախատեսված մաքսային կանոնների խախտում, ինչը հիմնավորվում է կազմված արձանագրությամբ և թիվ 05100033/020122/0000031 տարանցման հայտարարագրով:

Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 206-րդ և 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 195-րդ հոդվածով նախատեսված մաքսային կանոնների խախտում կատարելու համար Ռուբիկ Մինասյանին ենթարկել վարչական պատասխանատվության՝ տուգանելով **100.000** ՀՀ դրամի չափով:
2. Որոշման մասին հայտնել Ռուբիկ Մինասյանին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված փուլանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ Ժ/Պ

ՂԱԶԱՐ ՂԱԶԱՐՅԱՆ